



सा:गु भिंगु मरिचरिया निति लुमका दिसें !

लक्ष्मण जमाल 'विलमि' प्रोप्राइटर

**लाखा छेँ**  
LAKHA CHHEN

सोन्हखुटे, वडा नं. १६, येँ, फोन नं.: ४५६०७५८

**थुकि दुने**

**राजनीतिक सहमति कायम जुल धा:सा जक ....**  
दिलिप शाही - २

**पहिचान, समावेशीता व मातृभाषाया विषययात ल्हवनेगु.....**  
श्रीकृष्ण महर्जन - ३

**मेसी सर्वकालीन महान् फुटबलर प्रजित शाक्य - ६**

**म्ये च्चमि निरन्जनल शाक्यया छक्वल न्यापु म्येया म्युजिक भिडियो पिदन ब्लोअप ४-५**

# नेपा:या राजनीतिक परिवेशय् न्हूगु मोड दकले त:धंगु दल प्रतिपक्षय् लाइगु सम्भावना

नेपालया राजनीतिक परिवेश आकाभाकां छत्थं ट्युगु दु । गुलिसिनं कल्पना तकं मया:गु कथं नेकपा -माओवादी केन्द्रया नाय: पुष्पकमल दाहाल प्रचण्ड स्वक्व:गु खुसी देय्या प्रधानमन्त्री जूगु दु, व नं नेकपा (एमाले) लिसे जाना: । उलि जक मखु, वंगु मंसीर ४ गते क्वचा:गु आम निर्वाचनय् दकले अप्व: सीट त्याका: त:धंगु दल जूगु नेपाली काँग्रेस हे प्रतिपक्षय् लाइगु जूगु दु ।

आम सर्वसाधारणं न त म्हिग:तक्क पूर्व व पश्चिम थें जुयाच्चीपिं ओली प्रचण्ड हाकनं छक्व: नापं दनी धका: बिचा: या:गु ख:, न त नेपाली काँग्रेस थुकथं प्रतिपक्षया भूमिका लाइ धका: बिचा: या:गु ख: ।

केपी ओली नेतृत्वया एमाले सरकारं निक्व:गु खुसी संसद् विघटन यायधुंका: नेपाली काँग्रेस नेतृत्वय् न्यागु दलया गठबन्धन दय्कूगु ख:सा आम निर्वाचन क्वचाय्केगु ज्या नं थ्व हे गठबन्धनपाखें जूगु ख: । तर आ: वया: उगु गठबन्धन ब्वदला: मेगु हे सत्ता गठबन्धन दय्क ला गुकिं नेपाली काँग्रेसयात याक:चा दय्काबिल । थुकथं काँग्रेस याक:चा जूगुलिइ पार्टी सभापति शेरबहादुर देउवाया हे त:धंगु गलती जूगु विश्लेषकतय् धापू दु । प्रधानमन्त्री पदया लोभ व लालसां याना: हे थौंया परिस्थिती व:गु धयाच्चंगु दु । चुनावी परिणाम वय्युगु सुरु जुसानिसें गठबन्धनप्रति मेगु दलतय् अविश्वास खनेदयावय् धुंक्कूगु ख: । मेगु दलया मत धा:सा काँग्रेसयात वंगु तर मेगु दलयात



काँग्रेसया मत मव:गु खनेदसानिसें हे नेकपा (एमाले), नेकपा (माओवादी केन्द्र) या नापं जनता समाजवादी पार्टी, जनमत पार्टीया नापं न्हूगु शक्ति कथं थुगु निर्वाचनय् पिलूव:गु राष्ट्रिय स्वतन्त्र पार्टी व गणतन्त्र, धर्म निरपेक्षता तयार मजुइवं व गठबन्धन तज्या:गु दुसा

प्रजातन्त्र पार्टीया गठबन्धन सत्ताय् थ्यंगु दु । थुगु गठबन्धनयात राजा म्वा: धाईपिं, राजायात स्याय् धाईपिं व राजा मदय्क मगा: धाईपिनिगु गठबन्धन धका: नं टिप्पणी यानाच्चंगु दु । उकिंया नापं सत्ता वहिगर्मनया इलनिसें नेपाली काँग्रेस नेतृत्वया गठबन्धनयात टुक्रा याय्त स्वयाच्चंमह ओली थ:गु कुतलय् सफल जूगु कथं नं कयाच्चंगु दु ।

आ: संघीय सरकार थें प्रदेश सरकार नं गठन जुइ । प्रतिनिधिसभा व प्रदेशसभा गठन जुइवं राष्ट्रपति, उपराष्ट्रपति, प्रधानमन्त्री, सभामुख, उपसभामुख, प्रदेश प्रमुख, मुख्यमन्त्री, प्रदेशसभाया सभामुख व उपसभामुखनापया पदय् न्हूम्ह व्यक्ति निर्वाचित जुइ । संसदया दकले त:धंगु दल काँग्रेस संघय् जक मखु, प्रदेशय् तकं प्रतिपक्षया भूमिकाय् लाइगु खनेदय्धुकल । आ: प्रतिनिधिसभा व प्रदेशसभाय् बहुमत थ्यंकेत एमाले गठबन्धनया दलं संघ व प्रदेशय् दक्वं पद थवंथवय् भागवण्डा याइ । न्हूगु ल्यं ७ पेजय्

**पत्रकार दबूया प्यक्व:गु महाधिवेशनया तयारी जुयाच्चंगु दु : नाय: बज्राचार्य**

थ्व हे पुस २३ गते पोहेलागा: पारु शनिबार कुन्हु नेवा: पत्रकार राष्ट्रिय दबूया प्यक्व:गु महाधिवेशन जुइत्यंगु दु । उगु महाधिवेशनया लागि निर्वाचनया ज्याइव: न्ह्यायेत्यंगु दु । अधिवक्ता किरण शाक्यया संयोजकत्वय् निर्वाचन समिति गठन जूगु ख: । उगु समितिइ वरिष्ठ पत्रकार सुरेशकिरण मानन्धर व ईश्वरकुमार जोशी दुज: कथं च्वनादीगु ख: । समितिं लेखा समितिया लागि स्वम्ह नापं ३१ म्ह केन्द्रीय समितिया लागि निर्वाचन जुइत्यंगु दु । समितिं निर्वाचन कार्यतालिका कथं मतदाता नामावली आईतबा: प्रकाशित याये धुंक्कूगु दु । २८ जिल्लाया महाधिवेशन प्रतिनिधिपनिगु नां सार्वजनिक याये धुंक्कूगु दु । मतदाता नामावलीइ दाबी विरोधया लागि सोमबा: ११ बजे तक ई बियात:गु ख:सा सोमबा: हे मतदातापनिगु अन्तिम नामावली प्रकाशित जुइ धुंक्कूगु दु । त:मुँज्याया इवलय् उम्मेदवारया दर्ताया नितिं थ्व हे पुस १५ गते शुक्रबा: याइगु जूगु दु । उम्मेदवारपनिगु नां दाबी विरोध, नां लित: कायेगु प्रक्रिया उगु हे दिं बहनि ६:३० बजे अन्तिम नामावली प्रकाशित यायेगु धका समितिं धा:गु दु । अथेहे समितिं महाधिवेशनया लागि दक्व तयारी न्ह्या: वनाच्चंगु जानकारी बियादिसें महाधिवेशनया ल्यं ७ पेजय्



*Trendiest Fashion At Price You Love*

**ufo** THE CLOTHING STORE

**राम प्रजापति** प्रोप्राइटर

**हारती मिठाई भण्डार** (शुद्ध शाकाहारी)

कालिमाटी चोक, टंकेरवर मार्ग, काठमाडौं ।  
फोन नं. : ०१-५३७२९९९, मो. ९८०३९८०६९९

**यहाँ:-**विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईहरू तयार गरिन्छ ।



## नेवा: राष्ट्रिय म्ये

चवमि : दुर्गालाल श्रेष्ठ लय् चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन भीगु लागाय् भी स्वयं हे जः जुया धुन लुइ धुन ह्यांगु भुमिइ अष्टमण्डल ह्यांगु चाः दुने थी नगु भीगु नेवाः ध्वाँय् थ्व हे खः ज्यान भी सकस्यां छ्मू जातितय् स्वायत्त राज्यं लुइ कपं च्वय् भिर्लिमिलिं राष्ट्र भःभः धाय्क न्ह्याके भीगु चःतिं भीगु हिं

## सम्पादकीय



### वैकल्पिक शक्तिकथं प्रचण्ड नेपाःया ४४ म्ह प्रधानमन्त्री

राजनीति धयागु धात्थें स्वच्छ वा प्रेरणादायी थाय् खः । थन सुं नं मनू ताः ई तक्क शत्रु जुयाः च्वने फइमखु । स्निहःतक्क गबलें नापं मच्चनी कथं ल्वापु जुयाच्चं पिं कन्हय् वनाः हाकनं गबलें मबाइपिं, ला व लुसि थें नापं च्वनीपिं पासा जुइधुंकेफु । आः थौया दिं हे स्वयादिसँ ले, ओली व प्रचण्ड थुकथं पासा जुइ धकाः छिं गबलें बिचाः यानादिया ला ? तर जुल नि मखुला ?

न्हापा द्वन्द्वकालय् प्रचण्डया छ्यंया मू क्वःछ्युम्ह ला शेरबहादुर देउवा हे खः । व ल्याखं प्रचण्ड व देउवा गबलें नापं हे च्वनीमखु जुइ धइगु अनुमान यक्वसिया दुगु खः । तर तत्कालीन सशस्त्र युद्ध यानाच्चंगु माओवादी पार्टी शान्ति प्रकृयाय् व्युधुंकाः व अनुमान गलत सावित जुल । अनलि ओली व प्रचण्ड नं ला गबलें मिले जुइ फइमखु धकाः यक्वसिनं धाःगु खः नि । नेपाली काँग्रेस व माओवादीया संयुक्त सरकार जुयाच्चंबलय् माओवादी नेकपा एमालेलिसे पार्टी एकता यात । सत्तारूढ दल व प्रतिपक्ष दल दथुइ पार्टी एकता जूगुयात नं मनूतयसं अजूचायाः स्वःगु खः । अले प्रतिपक्ष दललिसे एकता याय्धुंकाः माओवादीलिसे नेपाली काँग्रेसया स्वापू स्यन । देउवा दाहाल स्थायी शत्रु हे जुल ला धइथें च्वंगु खः ।

व धुंकाः छधी जुइधुंकेगु पार्टीया निम्ह अध्यक्षपिं स्थायी मित्र नं जुयाच्च्वने मफुत । पार्टी दुने कचकच जुजुं लिपा वनाः ला पार्टी टुक्रा हे जुल । न्यायालयं पार्टी न्ह्यःया अवस्थाय् थ्यंकाः निगू हे पार्टी दय्काबिल । तिक्ततां व्युधुंकेगु स्वापूयात संसद विघटनया घटनां भनू ल्वाउँकाबिलसा देउवा व दाहालयात नापं थनाबिल । न्यायालयं तत्कालीन एमाले नेतृत्वया सरकार विघटन यानाः नेपाली काँग्रेसया सभापति शेरबहादुर देउवा नेतृत्वय् सरकार गठन याय्त् परमादेश बीधुंकाः ला माओवादी एमाले हाकनं गबलें मिले जुइ हे मफइगु कथंया परिस्थिती खनेदुगु खः । आः ला ओली प्रचण्ड स्थायी मित्र हे जुल धइथें खनेदुगु खः । तर स्निहः सत्तां पिहांवनेधुंकाः गुगु बार्दलीइ दनाः ओलीं दाहालयात ब्वः बी फक्क ब्वःब्यूगु खः, व हे बार्दलीइ ओली दाहाल नापं दनाः आः जिपिं स्थायी मित्र जुइधुन धाल । का, खन ला ? परिस्थिती न्ह्याथे जुइमा, राजनीतिइ सुं नं स्थायी शत्रु नं जुइमखु, स्थायी मित्र नं जुइमखु । आः ओली व दाहाल गबलें ल्वाइमखुत धकाः बिचाः यानादीमते । थुपिं ला कलाः भाःत थज्याःपिं खः । ल्वापु जुइ, कलाःम्ह तमं थःछँ वनी अले हाकनं प्यन्हु न्यान्हु लिपा भाःतयाथाय् लिहांवइ । धेबा पुले म्वाःगु फिल्म स्वयाः मज्जा कयादिसँ ।

## राजनीतिक सहमति कायम जुल धाःसा जक राजनीतिक इमान्दारिता कायम जुइ



दिलीप शाही "शान्तिचज्जु"

वंगु मंसिर ४ गते क्वचाःगु निर्वाचनया लिच्वः पिहां वय्वं शुरु जूगु छ्मू अनुमान खः देशय् याकनं हे मध्यावधि निर्वाचन जुइफु । खः, निर्वाचन लिपा गुगु लिच्वः पिहांवल थुकिं छ्मू हे राजनीतिक पार्टीया बहुमत मदय्वं आः देशय् हाकनं राजनीतिक अस्थिरता शुरु जुइगु अनुमान यासँ राजनीतिक विश्लेषकतयसं याकनं हे मध्यावधि निर्वाचनया सन्दर्भयात कयाः चर्चा परिचर्चा याय्गु शुरु याःगु खः । वंगु निर्वाचनया लिच्वः कथं निगू राजनीतिक पार्टी जानाः जक सरकार दय्केफइगु अवस्था मदु । अझ धाय्गु खःसा आः सरकार गठनया नितिं म्हेवतिं नं न्यागू खुगू पार्टी जानाः जक सरकार दय्केफइगु अवस्था दु । अले थज्याःगु सरकार दय्केत जक मखु स्थायित्व बीत नं उलि हे थाकुइगु सम्भावना निर्वाचन क्वचाय्वं याःगु खः ।

तर आः वयाः सरकारया नेतृत्व याय्गु सवालय् धाःसा विशेषतः नेपाली काँग्रेस व माओवादी दथुइ गुगु विवाद सतहलय् वःगु दु, थुकिं सरकारयात स्थायित्व बीत थप समस्या जक जुइगु खःला धइगु न्ह्यःसः धाःसा ब्वलंकाब्यूगु दु । आःया सत्ता गठबन्धन याय् न्ह्यः माओवादी केन्द्र देउवायात सरकारया नेतृत्व याकेबीगु खःसा आः न्हापा जूगु सहमति कथं सरकारया नेतृत्व थम्हं याय् दय्माः धकाः माओवादी केन्द्रया अध्यक्ष पुष्पकमल दाहाल 'प्रचण्ड' धाय्गु यानाच्चंगु दु । मेखे नेपाली काँग्रेसया सभापति शेरबहादुर देउवां सरकारया नेतृत्वया बारे छुंखँ ल्हानाच्चंगु मदुसां काँग्रेसया हे निगूगु पुस्ताया नेता धयाच्चिपिसं काँग्रेसया हे नेतृत्वय् सरकार गठन याय्माः धकाः थीथी सञ्चार माध्यमयात धाय्गु यानाच्चंगु दु । लिसें उमिसं पार्टीया सभापति शेरबहादुर देउवां यदि माओवादी केन्द्रलिसे भद्र सहमति याःगु खःसा नं आःया अवस्थाय् थःपिंत उगु खँ स्वीकार्य मदुगु खँ धाय्गु यानाच्चंगु दु ।

मेखे काँग्रेसया वरिष्ठ नेता रामचन्द्र पौडेलं माओवादी केन्द्रया अध्यक्ष पुष्पकमल दाहालयात नापलाय्गु इवलय् वर्तमान गठबन्धन गुगुं नं हालतय् त्वाःथले मज्जु धासँ फयांफछि गठबन्धनया सरकार दय्केमाः धकाः दाहालयात थुइकेगु कुतः यानाच्चंगु दु । दाहालं थम्हं न्हापा गठबन्धनया सरकार दय्केगु इवलय् शेरबहादुर देउवायात प्रधानमन्त्री दय्कागु खसा आः प्रधानमन्त्री जुइगु पाः थःगु जूगुलिं ग्वाहालि याय्त् इनाप यानाच्चंगु दु ।

तर थुकिया दथुइ राजनीतिक घःमाः गुखे न्ह्याःवनी धइगु अनुमान याय्त् थाकुयाच्चंगु थौया अवस्थाय् काँग्रेस थःगु इमान्दारिता कायम याइ कि याइमखु धइगु न्ह्यःसः धाःसा ब्वलनाच्चंगु दु । माओवादी अध्यक्ष दाहाल न्हापा नं थःगु इमान्दारिता ब्वयाः हे एमालेया अध्यक्ष केपी शर्मा ओलीयात प्रधानमन्त्री दय्कूगु खः । तर प्रधानमन्त्री ओलीं इमान्दारिता पालना मयासँ पूर्वक कार्यकाल थम्हं हे प्रधानमन्त्री चले

नेपाःया राजनीतिक इतिहासय् म्हेवः जक सिट दुगु पार्टीया व्यक्तित्व नं प्रधानमन्त्री जूगु दु । तत्कालीन इलय् काँग्रेस व एमाले दुने ब्वलंगु विवादया कारणं यानाः सूर्यबहादुर थापा व लोकेन्द्रबहादुर चन्द प्रधानमन्त्री जूगु खः । अथे जुयाः थौं नं प्रतिगमनया अवस्था विद्यमान दनि । अले अज्याःगु प्रतिगमनयात परास्त याय्गु छ्मू जक लँपु धइगु वर्तमान गठबन्धनया निरन्तरता हे खः । वंगु निर्वाचनय्



थ्व गठबन्धन वा एकता धइगु अग्रगमनया नितिं हे खः । अझ नं संघीय लोकतान्त्रिक गणतन्त्र संस्थागत जुइफयाच्चंगु मदु । अले संघीय लोकतान्त्रिक गणतन्त्रयात संस्थागत याय्गु दायित्व धइगु अझ नं वर्तमान गठबन्धनया हे खः ।

याय्गु सोच तय्यं तत्कालीन नेकपा दुने विवाद जुयाः अन्ततः प्रधानमन्त्री केपी शर्मा ओलीं निक्कःतक संसद भंग याःगु खःसा वयां लिपाः सर्वोच्च अदालतया परमादेश कथं देउवा नेतृत्वया सरकार गठन याय्त् नं माओवादीया अध्यक्ष दाहालं हे देउवायात समर्थन याःगु खः । थुकथं समग्र राजनीतिक घटनाक्रमयात स्वयंय् खःसा दाहालं राजनीतिक रुपं थम्हं गुगु अडान कयाच्चन उगु अडानया कारणं यानाः हे थौं काँग्रेसया बहुमत वःगु खःसा उकिया ल्यूने अध्यक्ष दाहालया देन दु धइगु खँ ल्वःमके मज्जु । खः, वंगु चुनावय् काँग्रेस न्हापांगु दल जूगु मू कारण धइगु माओवादीलिसें थीथी राजनीतिक दलं काँग्रेसयात भोट ब्यूगुलिं खः । तर काँग्रेसया भोट धाःसा मेगु गुगुं नं पार्टीयात मवंगु खँ काँग्रेसं मस्युगु मखु । अझ चुनाव प्रचारया इवलय् तर्क काँग्रेसं थःगु पार्टीया चिनय् जक मतदान याय्त् मतदातापिंत इनाप याःगु खँ स्पष्ट रुपं पिहांवःगु खः । थ्व धइगु छ्मू कथं राजनीतिक बेइमानी खः । तर माओवादी केन्द्र व नेकपा एकीकृत समाजवादी थुकियात आः तर्क मुद्दा दय्कूगु मदुनि । तर काँग्रेसया भोट ट्रान्सफर मज्जु कारणं यानाः हे माओवादी व एकीकृत समाजवादीया सिट म्हेवः जूगु ल्याख्य काँग्रेसं न्हापा जूगु भद्र सहमति पालना याय्मखु धाय्गु पाय्छि मखु । अथे ला नेकपा एमालेया अध्यक्ष केपी शर्मा ओलीं वर्तमान गठबन्धन त्वःतावःसा दाहालयात प्रधानमन्त्री दय्केगु खँ थः कार्यकर्तामार्फत सन्देश म्हेवःगु मखु । तर दाहालं उकियात स्वीकार यानाच्चंगु मदु । उकिया मू कारण धइगु ओली प्रधानमन्त्री जुयाच्चंगु इलय् याःगु प्रतिगमन हे खः ।

आपालं धयाथें अग्रगमन विरोधीत निर्वाचित जूगु दु । संघीय लोकतान्त्रिक गणतन्त्र विरोधी पुचःया छुं छुं मनूत आःया प्रतिनिधिसभाय् थ्यंगु दु, सुनां संघीयता, गणतन्त्रया विरोध यानाच्चंगु दु । अज्याःपिंत पराजित याय्गु खःसा वर्तमान गठबन्धन निरन्तर जुइमाः । तर उकिया नितिं हरेक राजनीतिक पार्टीतयसं त्याग याय्माःगु अवस्था थौं जुयाच्चंगु दु । यदि आः हाकनं गठबन्धन राजनीतिक पार्टी दुने एकता मन्त धाःसा निश्चित दु आः प्रतिगमनं छ्यं ल्हवनी । उगु इलय् गठबन्धनया नेतातयसं छु गज्याःगु लिसेः बी धइगु न्ह्यःसः धाःसा ब्वलनाच्चंगु दु । थौया आवश्यकता धइगु गठबन्धन हे खः । थ्व गठबन्धन वा एकता धइगु अग्रगमनया नितिं हे खः । अझ नं संघीय लोकतान्त्रिक गणतन्त्र संस्थागत जुइफयाच्चंगु मदु । अले संघीय लोकतान्त्रिक गणतन्त्रयात याय्गु दायित्व धइगु अझ नं वर्तमान गठबन्धनया हे खः । निश्चित रुपं थौया अवस्थाय् गठबन्धन त्वाःदल धाःसा थुकिं संघीय लोकतान्त्रिक गठबन्धनयात गज्याःगु लिच्वः लाइ धकाः धाय्फइगु अवस्था मदु । आम सर्वसाधारण जनतां थुगुसीया चुनावय् गुगु मत ब्यूगु दु, थ्व नं छ्मू कथं राजनीतिक चेतवनी खः । अले राजनीतिक पार्टीतयसं थ्व खँयात थुइकाः आः केवल सत्ताय् जक थःत केन्द्रीय मयासँ देय् व जनताया नितिं राजनीति न्ह्याकेमाःगु अवस्था थौं जुयाच्चंगु दु । उकिया नितिं राजनीतिक पार्टीतयसं आः थःपिनिगु राजनीतिक लँपु स्पष्ट याय्माः । राजनीतिक सहमति कायम जुल धाःसा जक राजनीतिक इमान्दारिता कायम जुइ थ्व खँ मनन याय्माःगु आवश्यकता थौं जुयाच्चंगु दु ।







लुँवहः व्यवसायीलिसें साहित्यकार निरञ्जनरत्न शाक्यं च्यादीगु न्यापु म्येया म्यूजिक भिडियो सार्वजनिक जूगु दु । यैय् जूगु छू ज्याइवःया दथुइ छक्वलं न्यापु म्येया म्यूजिक भिडियो सार्वजनिक जूगु खः । ज्याइवल्यु नेवाः न्ह्यलुवा लिसें आख्यानकार व नेपालभाषा एकेडेमीया भाइस चान्सलर मल्ल के सुन्दरं न्यापु म्ये सार्वजनिक यानादिल । ज्याइवल्यु आख्यानकार मल्ललिसें वरिष्ठ म्येहालामि जुजुकाजि रीजत, वरिष्ठ सिने पत्रकार विजयरत्न तुलाधरलिसें न रचनाकार शाक्यया साहित्यिक, सांस्कृतिक योगदानया चर्चा यानादीगु खः ।

सार्वजनिक जूगु न्यापु म्युजिक भिडियोया निर्देशन रामकृष्ण खड्गी यानादीगु दुसा छायाङ्कन लुःजः सिंह व रवि महर्जनं यानादीगु खः । दृश्य सम्पादन बालकृष्ण बंशी यानादीगु दु । न्यापुं हे म्येयु संगीत रीता महर्जनं बियादीगु खः । व हे कथं, संगीतकार महर्जनलिसें भुपेन्द्र बज्राचार्य, संगीता शाक्य व वरिष्ठ गायक योगेश वैद्यं सः बियादीगु दु ।

# मेसी सर्वकालीन महान् फुटबलर



प्रजित शाक्य



सन् १९८६ इ डिप्लोमेटिको म्याराडोना अर्जेन्टिनायात थःगु थःगु दमय विश्वकपया उपाधि बियाः फुटबल जगतय अमर जूगु खः । थुगुसी मेसी उकथंया हे कासा मिहताः थःत सर्वकालीन महान् कासामिया धलखय तल । विश्वकप उपाधियात करीब १८ दँ न्हयःनिसें पियाचवंठह मेसी हिममत त्वःतेमज्यू विश्वकप फुटबल थुज्वःगु महान् धेंधें बल्लाः त्याकेत मुशिकल फय्माः अले ताः ई पीमाः धइगु हसना नं ब्यूगु दु ।

क्रिस्टियानो रोनाल्डो व लियोनेल मेसी दथुइ सर्वश्रेष्ठ कासामिया प्रतिस्पर्धा विश्व फुटबलय दकले तःधंगु चर्चाया विषय खः । वंगु १५ दँ न्हयःनिसें थुगु पुस्ताया निम्ह महान् फुटबलर मेसी व क्रिस्टियानो रोनाल्डो दथुइया प्रतिद्वन्दीता नं सुनां मस्युगु मखु । थुपिं निम्हेसिया प्रतिद्वन्दीतां विश्व फुटबलया स्तर हे थकाःगु दु । यद्यपि थुपिं निम्हमध्ये सु सर्वश्रेष्ठ धइगु गबलें क्वमचाइगु बहस न्हयानाचवनीगु खः तर, आः डेढ दशक न्हयःनिसेंया थुपिं निम्हमध्ये सु सर्वश्रेष्ठ धइगु बहस क्वचाःगु दु धाःसां पाइमखुत ।

वंगु वालय क्वचाःगु कतार विश्वकप २०२२ अर्जेन्टिनां त्याकल । अर्जेन्टिनां विश्वकप त्याकल तर उकियात मेसीया विश्वकपया रुपं लुमंकेगु याइ । छायाःसां उपाधि यात्राय मेसीया कासा चमत्कारी जूगु खः । मेसीं कतार विश्वकपय न्हयगु गोल यात । स्वंगु गोललय ग्वहालिमिया भूमिका मिहतल । थुकिं नं खकेफइ अर्जेन्टिनायात च्यामिपयन दय्केत मेसीया योगदान । फाइनलय जक हे वय्कलं निगु गोल यात । मेसीं न्हापांगु खुसी विश्वकपया उपाधि त्याकूगु खः । थ्वयां न्हयः विश्वकप उपाधि मदायाः हे मेसी व रोनाल्डोयात महान् कासामिया धलखय तयत आनाकानी जुयाचवंगु खः । विश्वकप उपाधिं थुपिं निम्हेसित डिप्लोमेटिको म्याराडोना थुज्वःमह सर्वकालीन महान् फुटबलरया समकक्षय थ्यनेत पनाचवंगु खः । तर आः म्हेवतिं मेसी विश्वया सर्वाधिक महान कासामिया धलखय लाःगु दु ।

सन् १९८६ इ डिप्लोमेटिको म्याराडोना अर्जेन्टिनायात थःगु थःगु दमय विश्वकपया उपाधि बियाः फुटबल जगतय अमर जूगु खः । थुगुसी मेसी उकथंया हे कासा मिहताः थःत सर्वकालीन महान् कासामिया धलखय तल । विश्वकप उपाधियात करीब १८ दँ न्हयःनिसें पियाचवंठह मेसी हिममत त्वःतेमज्यू विश्वकप फुटबल थुज्वःगु महान् धेंधें बल्लाः त्याकेत मुशिकल फय्माः अले ताः ई पीमाः धइगु हसना नं ब्यूगु दु । आः विश्वकप उपाधिंलिसें मेसी निसन्देहः सर्वकालीन महान् फुटबल कासामिया रुपं अमर जुइगु पक्का जूगु दु ।

मेसी थःगु कासा जीवनय

न्हयक्वः विश्वया सर्वश्रेष्ठ फुटबलरयात बीगु बालन डि ओर नं त्याकूगु दु, गुगु कीर्तिमान खः । थुगुसी विश्वकप त्याकाः हाकनं छक्कः मेसी हे थुकिया प्रमुख दावेदारया रुपं दंगु दु । मेसीं प्यक्वः च्यामिपयन्स लिग नं त्याकूगु दु ।

खयतला मेसीं सन् २०१४या विश्वकप फाइनल नं मिहतूगु खः । व इलय वय्कलं हे धेंधें बल्लाःया सर्वश्रेष्ठ कासामियात बीगु गोल्डेन बल त्याकल । तर जर्मनीलिसे १-० गोलं बूबलय उपाधिं वञ्चित जुइधुंकाः मेसीं उपाधीया नितिं अभ् पीमाःगु खः । थ्व दथुइ बार्सिलोना व आःया क्लब पेरिस सेन्ट जर्मेनया लागिं वय्कःया लय च्वय्क्वय जुयाचवन । तर ३५ दँया मेसीं थःगु सर्वश्रेष्ठ कासा थ्व हे विश्वकपया लागिं ल्यंकाः तयातल ।

थहांवनाचवंगु उमेरय आः मेसी ९० मिनेट हे कासाय दबाव दय्काः मिहते फइमखु । अथेसां वय्कः जादुमय कासा, पास व गोलं आः नं कासाया निर्णय यायगु याः । कतारय वय्कलं न्हयगु गोल यात । तर वय्कःया एसिस्ट अभ् लुमंकेबहःजू । नेदरल्यान्ड्सविरुद्धया

क्वाटरफाइनलय नाहुला मोलिनां याःगु गोलया लागिं वय्कलं मिले याःगु पास अकल्पनीय खः । क्रोएसियाविरुद्ध युलियन अल्भाराजें याःगु गोल नं मेसीं डिबक्सय क्यंगु शानदार ट्रिब्लिडं सम्भव जूगु खः ।

विश्वकपय मेसीं १३ गोल यानाः सर्वाधिक गोलकर्ताया धलखय थःत प्यंगुगु थासय थंगु दु । आः वय्कः जस्ट फन्टाइनलिसे ज्वलिंज्वलय थ्यंगु दु । वय्कः स्वयां न्हयः जर्मनीया मिर स्लाभ क्लोज (१६ गोल), ब्राजिलया रोनाल्डो (१५ गोल) व पश्चिम जर्मनीया गर्ड मुलुर (१४ गोल) दु । मेसी अन्तर्राष्ट्रिय गोलया शतकं नं निगु गोल जक तापाःनि । वय्कलं १७२ खेलय ९८ गोल याःगु दु । सर्वाधिक अन्तर्राष्ट्रिय गोलकर्ताया धलखय नं वय्कः स्वंगुगु थासय लाःवःगु दु । पोर्चुगलया रोनाल्डो (११८ गोल) व इरानया अली दाई (१० ९ गोल) जक मेसीं स्वयां अ प वः गोल याःगु दु ।

मेसी गरीब परिवारं विश्व प्रशिद्ध जूम्ह कासामि खः । मजदुर अबु व सफाइ कर्मचारी मांया सन्तानं बांलाःमह फुटबल प्रशिक्षणया म्हेवः हे जक चूलाकेफइ । तर मेसी भाय्मानी खः । न्यादँया उमेरय हे वय्कलं अबु जोर्जया प्रशिक्षणय दुगु स्थानीय क्लब ग्रानडोलीया लागिं फुटबल मिहतेगु न्हयाकेधुंकूगु खः, गुगु उमेरय मेपिं बांलाक व्वायं नं वनेफइमखु । मेसीया अबु जोर्ज मेसी फ्याक्टरी कामदार जूसां फुटबलया शौखिन खः । मेसीयाके फुटबल मिहतेगु प्रकृतिपदत गुण दुगु खः, गुकिं चीधंगु उमेरय हे तःगु हे शीर्ष क्लबया मिखा वय्कःयाके जूवन । यद्यपि ११ दँया उमेरय वय्कःयात 'प्रोथ हार्मोनी डिफिसियन्सी'

ज्वनेधुंकाः शरीर थहांवनेत माःगु हार्मोनया उत्पादन माक ल्याखय जुइमखु । व हे इलय नं अर्जेन्टिनाया प्रिमियर लिग क्लब रिभर प्लेट मेसीयात क्लबय हयत स्वःगु खः । तर क्लब मेसीया वासः यायत तुइगु लय गुसः डलर पुलेगु साहस मक्यन । अज्याःगु इलय बार्सिलोनाया कासा निर्देशक चार्ल्स रेक्साख देवदुत जुयाः वल । वय्कलं बार्सिलोनाय मेसीया 'ट्रायल'या व्यवस्था ताःलाकाबिल । बार्सिलोनां ट्रायल धुंकाः तुरुन्त हे मेसीयात थःगु एकेडेमीइ भर्ना यात तर बार्सिलोनां वय्कःया परिवार स्पेनय स्थानान्तर जुइगु जूसा जक मेसीयात वासः यायगु खर्च पुलेगु शर्त तल । व इलनिसें मेसी व वय्कःया परिवार युरोपय स्थानान्तर जुलसा मेसी बार्सिलोनाया ल्याय्मह टिमया लागिं मिहतेगु न्हयाकल ।

मेसीया मिहतेगु क्षमता अर्जेन्टिनाय मखु, स्पेनय विकास जुल । यद्यपि मेसी उपाधिया खुसिबाः वय्काः बार्सिलोनाया गुण पुला बीधुंकल धाःसां ज्यू । मेसीं सन् २००५य स्पेनया नागरिकता नं काःगु खः । यद्यपि वय्कः राष्ट्रिय टिमया लागिं फुटबल मिहतीबलय न्हयाबलें थः बूगु देय अर्जेन्टिनाया जर्सीइ हे मिहती । वंगु वालय ला वय्कलं



नांया ल्वचं ज्वन गुकिं मेसीया फुटबल मिहतेगु सम्भावना हे म्हेवः जूगु खः । थ्व ल्वचं

अर्जेन्टिनायात विश्वकप विजेता नं दय्काबिल ।

100% Vegetarian  
Sweet Cave  
Sweets - Namkeen - Fast Food

## Sweet Cave

(जीवन दाईया पसः)  
Kalimati, Kathmandu, Nepal  
Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।  
आउटडोर भेज क्याटोरिङ पनि गरिन्छ ।

(क) व्यापारी त्यासा  
(ख) हायरपचेज त्यासा  
(ग) आवासीय त्यासा

(घ) शेयर त्यासा  
(ङ) महुती रसिद धितो त्यासा  
(च) क्रमिक निक्षेप त्यासा

मिलन बहुउद्देश्यीय सहकारी संस्था लि.  
ह्वनाछैं, पाको, न्हूसतक, येँ, नेपाः  
फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७

## पत्रकार दबू सिन्धुपाल्चोक शाखाय रबिन्द्र श्रेष्ठ



नेवा: पत्रकार राष्ट्रिय दबू सर्वसम्मत अध्यक्ष निर्वाचित जूगु दु। सिन्धुपाल्चोक शाखाय रबिन्द्र श्रेष्ठ पत्रकार दबूया सिन्धुपाल्चोक

शाखाया अधिवेशनं श्रेष्ठया अध्यक्षता मुक्कं ज्यासना पुचः सर्वसम्मत ल्यःगु खः।

नवनिर्वाचित कार्य समिति या उपाध्यक्षय सरु श्रेष्ठ, सचिबय सुप्रिन्स कसजु व कोषाध्यक्षय कल्पना श्रेष्ठ चयन जूगु दु।

सदस्यय शान्ती श्रेष्ठ, सुमित्रा श्रेष्ठ, दुर्गा श्रेष्ठ निर्वाचित जूगु दु। प्रदेश प्रतिनिधिइ हेमन प्रधान, पूर्ण श्रेष्ठ व केन्द्रिय प्रतिनिधिइ सुरेश कसजु व जीवन श्रेष्ठयात ल्यःगु दु।

## 'सनाखत'या ट्रेलरलिसें राजवंशीया स्मृति ग्रन्थ सार्वजनिक

बहुभाषिक सकिपा 'सनाखत' या ट्रेलर सार्वजनिक जगु द। सोमबा: येँय जूगु छगू ज्याइवलय सकिपाया मुख्य कलाकार तर्क खःम्ह वरिष्ठ कलाकार मदनकृष्ण श्रेष्ठ सकिपाया ट्रेलर सार्वजनिक यानादिल।

उगु हे ज्याइवलय संविधान सभा सदस्य तर्क खःम्ह साहित्यकार लिसें शिक्षाविद् स्व. लक्ष्मण राजवंशीया स्मृति ग्रन्थ न सार्वजनिक जूगु खः। सकिपा सनाखत राजवंशीया बाखनय आधारित जुया: दयकातःगु खः।

ज्याइवलय नववासें निर्देशक आर्यम नकःमं राजवंशी चव्यादीगु 'लासया सनाखत' बाखनं थः तसकं प्रभावित जूगु धयादिल। तसकं दुयंगु विषयय चव्यातःगु कथावस्तुइ सकिपा



दयकेखंबलय थःत तसकं गर्व ताःगु निर्देशक नकःमिया धापू खः।

अथे हे, जयदेव कृष्ण श्रेष्ठ, समालोचक लक्ष्मीप्रसाद गौतम, परराष्ट्रविद् प्रा हिरण्यलाल श्रेष्ठ, डा. सर्वोत्तम श्रेष्ठ, रुपक राजवंशीलिसें न सकिपा व साहित्यकार राजवंशीया

व्यक्तित्वयात कया: थःथःगु बिचा: तःगु खः।

अथे हे, अनुराधा ढकालं लक्ष्मण राजवंशीया लुमिन्तइ चव्यातःगु मुक्तक वाचन याःगु खः। उगु हे ज्याइवलय वरिष्ठ कलाकार मदनकृष्ण श्रेष्ठयात सम्मान न याःगु खः।

## एलायन्सया १५ क्वःगु साधारणसभा



एलायन्स बचत तथा ऋण सहकारी संस्था लिमिटेडया कार्यबाहक अध्यक्ष भुवन प्रसाद साखको सभापतित्वय १५ क्वःगु साधारण सभा शुक्रवा: क्वचाल।

साधारणसभाय लसकुस संस्थाया छ्याञ्जे सुरेश साखकर्मी याःगु खःसा दाभरिं चन्द्र मान नाँजु

आ.ब. २०७८/०७९ या आयब्यय विवरण न्ह्यब्वःगु खःसा लेखा सुरिवेक्षण समितिपाखें संयोजक बृजन दुकरुं बार्षिक प्रतिवेदन न्ह्यब्वयूमाःगु खःसा वयकःया अस्वस्थताया हुनिं हिसानया महासचिव डा. जगत प्रसाद पराजुली न्ह्यब्वःगु खः। संस्थाया संरक्षक कर्ण प्रसाद देबभण्डारी

साधारण सभा सभ्य र भब्यतापूर्बक क्वचायूमा: धका: भिंतुना देछा:गु खः। साधारण सभाय जेष्ठ नागरिक ललितबहादुर नायूभा, असल ऋणीपाखे सुरेश साखःकःमि व असल बचतकर्तापाखे माउण्ट मकालु डिजिटल फोटो स्टुडियोया समिर श्रेष्ठयात हंगु खः।

उगु साधारण सभाय प्रोफेसर डाक्टर, प्राध्यापक, बुद्धिजिबि, ब्यापारीबर्गिपिं थें बिशिष्ट शेरधनि सदस्यपनि उल्लेख्य सहभागिता दुगु साधारण सभाय ब्वति काःपिं शेरधनिपिसं संस्थाया कार्य समिति दुजः वरिष्ठ अधिवक्ता प्रा.डा. नृसिंह कुमार खत्रीजुयात सकृय सहभागिताया नितीं बिशेष धन्यवाद ब्यूगु खः।

## न्यासः स्वयां अप्वः नेवाः बाखं अंग्रेजीं प्रकाशित

नेपाल भाषाया उत्कृष्ट बाखं सङ्ग्रह अङ्ग्रेजी भाषां प्रकाशित जूगु दु। नेपाल भाषाया बाखं च्वमिपिनिगु संस्था बाखं दबुलिं पिकाःगु न्यासः स्वयां अप्वः नेपाल भाषाया बाखं अङ्ग्रेजी भाषां अनुवाद याना: पिकाःगु खः। 'इन्स्पेरेशन' व 'डिभाइन' नामं निगू अनुवाद सङ्ग्रह शनिबा: बाखं दबूया संस्थापक राजा शाक्य, साहित्यकार पशुपतिभक्त पमाय, नागार्जुन पब्लिकेशनया अध्यक्ष डा.सर्वोत्तम

श्रेष्ठ, साहित्यकार भूषणप्रसाद श्रेष्ठ व शिक्षाविद् रुपक राजवंशी पितब्वज्या यानादिल। ज्याइवलय सफूया सम्पादकपिं लोचनतारा तुलाधर, डा. रीना तुलाधर, वर्ल्ड नेवा: अर्गनाइजेशनया संस्थापक अध्यक्ष डा. बालगोपाल श्रेष्ठ, अनुवादक सिल्भिया राजोपाध्याय लगायत अनुवाद साहित्यं नेपाल भाषाया बाखं अन्तर्राष्ट्रिय जगतय म्हसीकेत ग्वहालि जुइगु बिचा: तयादिगु खः। इन्स्पेरेशनय नेपालभाषां

चव्या तःगु २३ गु व डिभाइनय ३१ गु बाखं अनुवाद याना: पिकाःगु खः।

डा तेजरत्न कंसाकार, सिल्भिया राजोपाध्याय, राजेन मानन्धर, रजनी मिला, पुष्कर माथेमा, कमलरत्न तुलाधर, कुमारराजा महर्जन, स्वयम्भू मान तुलाधर, राजेन्द्र शाक्य, पुष्परत्न तुलाधर, प्रनिधि तुलाधर, दिव्यरत्न कंसाकार, बद्रि वेदना, राहुल तुलाधर व निलिसा तुलाधरलगायत बाखंया अनुवाद यानादीगु खः।

## मौलिक नेवा: दाफा भजन संस्कृति ब्वज्या येँय क्वचाल

मैथिली भाषाया साहित्यकार लिसें प्राज्ञ धिरेन्द्र प्रेमर्षिया विशेष कुतलय स्वनिगःया मौलिकनेवा: दाफा भजन संस्कृतिया ब्वज्या जूगु दु। वंगु शुक्रबा: येँया कमलादीस्थित प्रज्ञा प्रतिष्ठानया प्रज्ञा दबुलिइ उगु ब्वज्या जूगु खः। प्राचीन संगीत दाफा भजन ब्वज्याय स्वनिगःया थीथी दाफा: खलकं थःथःगु दाफा व नृत्य न्ह्यब्वःगु खः। संचारकःमि श्रीकृष्ण महर्जनं ज्याइवलय दाफा सम्बन्धी कार्य पत्र न्ह्यब्वयादीगु खःसा उगु कार्यपत्रयात कया: संस्कृतिविद् गणेश राम लाछिं टिप्पणी यानादीगु खः। ज्याइवलय प्राज्ञ प्रेमर्षी दाफा धयागु जीवन पद्धति हे जुयाच्वंगु धासें नेवा: व मैथिली सभ्यताया दथुइ आपालं समानता खनेदुगु बिचा: तयादिल। दाफा संस्कृतिं हे सांस्कृतिक आयामपाखे समाजयात सम्बृद्ध यानातय फइगु बिचा: न वयकलं तयादिल।

ज्याइवलय यलया नःत्वा: मंका: खलःया १३म्हेसिनं दाफा भजन न्ह्यब्वःगु खःसा ख्वप थिमिया गुंगः चीभा: दाफा खलःया ११म्हेसिनं दाफा भजन न्ह्यब्वगु खः। थुकथं हे, किपूया थाम्वस दाफा खलःया १९म्हेसिनं दाफा न्ह्यब्वःगु खः। थुकथं हे धापासी बाँसुरी पुचःया मिसातलिसें वादेया विद्यापति दाफा खलकं नं थःगु प्रतिभा न्ह्यब्वःगु खः। ज्याइवलय धापासीपाखें लसिं लाखे नृत्यलिसें न्या लायगु नृत्य नं न्ह्यब्वःगु खः। असं दाफाया नायः प्रज्ञारत्न तुलाधर, किपू नगरपालिकाया पूर्वमयेर रमेश महर्जन, संस्कृतिविद् गणेश राम लाछिलिसें प्रेमर्षीलगायतं ब्वतिमितयत दसिपौ लःल्हानादिल। वागमती प्रदेशया संस्कृति संरक्षणया आवश्यकतायात महसूस याना: थुकथंया ज्याइवः न्ह्याकागु ग्वसा: खलकं धाःगु दु।

## नेपाःया...

सत्तरठ गठबन्धन मिले जूबलय प्रदेशय नं स्पष्ट बहुमत थ्यनी। प्रदेशया अवस्था स्वयेबलय ९३ दुजःया प्रदेश १ या प्रदेशसभाय प्रस्ट बहुमतया लागिं म्हवतिं ४७ सांसदा समर्थन माली। प्रदेशसभाय एमाले ४०, माओवादी केन्द्र १३, राष्ट्रिय प्रजातन्त्र पार्टी ६ व जनता समाजवादी पार्टीया छम्ह सांसद दु। थ्व आधारय प्रदेश १य गठबन्धनं अःपुक हे सरकार गठन यायफइगु खनेदु। १०७ दुजःया मधेस प्रदेशय बहुमतया लागिं म्हवतिं ५४ सांसद माःथाय एमालेया २३, जनमत पार्टीइ १३, जसपा नेपालया १६, माओवादी केन्द्रय ८ व राप्रपाया १ सांसद दु। संघय गठबन्धन याःगु हुनिं थ्व दल दथुइ मधेस प्रदेशय नं तालमेल जूसा अःपुक हे सरकार गठन जुइफइ। ११० दुजः दुगु बागमती प्रदेशय नं एमालेलिसेंया गठबन्धनया सहज बहुमत थ्यनीगु खनेदु। थ्व प्रदेशय सामान्य बहुमतया लागिं म्हवतिं ५६ सांसद माः। थन एमाले २७, माओवादी केन्द्र २१, राप्रपाया १३ सांसद दु। ६० दुजःया गण्डकी प्रदेशय बहुमतया लागिं म्हवतिं ३१ सांसद माः। गण्डकी प्रदेशसभाय एमालेया २२, माओवादी केन्द्रया ८, राप्रपाया २ सांसद दु। अयजुया: थ्व गठबन्धनया अःपुक हे बहुमत थ्यनीगु स्थिति दु। ८७ सदस्यीय लुम्बिनी प्रदेशसभाय बहुमतया लागिं म्हवतिं

४४ सांसद मालीसा थन एमालेया २९, माओवादी केन्द्रया ९, जसपाया ३, राप्रपाया ४, नागरिक उन्मुक्ति पार्टीया ४, जनमत पार्टीया ३ सांसद दु। कर्णाली प्रदेशय बहुमतया लागिं म्हवतिं २१ सांसद माली। थ्व प्रदेशय एमाले १०, माओवादी केन्द्र १३, राप्रपाया छम्ह सांसद दु। सुदूरपश्चिम प्रदेशसभाय सामान्य बहुमतया लागिं म्हवतिं २७ सांसद माः। थ्व प्रदेशय एमाले १०, माओवादी केन्द्र ११, नागरिक उन्मुक्ति पार्टी ७ व राप्रपाया छम्ह सांसद दु। थ्व हे गठबन्धन कायम जूस थ्व प्रदेशय नं अःपुक हे सरकार दयकेफइ।

हुं नं प्रदेशय काँग्रेसया बहुमत मडुगु व एमाले माओवादी जाइबलय दक्कं प्रदेशय बहुमत थ्यनीगु अवस्था दु। काँग्रेस राष्ट्रपति व प्रधानमन्त्री पद त्वःतेत तयार मजूबलय गठबन्धन ब्वदल सा गठबन्धन ब्वदलेधुंका: काँग्रेसयात थ्व निगू पद जक मखसें, उपराष्ट्रपतिनिसें न्हयगुलिं प्रदेश सरकार नं तंकेमालीगु अवस्था वःगु दु।

## पत्रकार दबूया...

उलेज्याय थीथी विधाय क्रियाशील पत्रकारपिन्त सिरपा: लःल्हाइगु व संस्था संस्थापकपिन्त हनेज्या दु धका: पत्रकार दबूया अध्यक्ष सुरजवीर बज्राचार्य लहनायात धयादीगु दु। पत्रकार दबूया महाधिवेशन लोगोनं प्रकाशित याये धुंकूगु दु।

हरेक मंगलवार

राष्ट्रियताको लागि समर्पित



मेरो साप्ताहिक  
मना साप्ताहिक Mero Saptahik

माला: माला: ब्वनादिसें।

## पहिको युवा क्लवया साँस्कृतिक ज्याइवः



पहिको युवा क्लव पहिकोया ग्वसालय् १९ क्वःगु राष्ट्रिय ज्यापु दिवस व यःमरि पुन्हीया लसताय् साँस्कृतिक लिसें हना ज्याइवः ग्वसाः ग्वःगु दु ।

खुसिबुँ दथुसडक पहिकोय् क्वचाःगु ज्याइवल्य् यें क्षेत्र नं. ७ या प्रतिनिधिसभा दुजः गणेश पराजुली, नेपाल स्वतन्त्र पार्टी समानुपातिकपाखे प्रतिनिधिसभा सदस्य असिम शाह, बाग्मती प्रदेश खानेपानी, ऊर्जा तथा सिंचाई मन्त्री व काठमाडौं क्षेत्र नं. ७ 'क' पाखें प्रदेश सभा सदस्य बसन्त मानन्धर, काठमाडौं क्षेत्र नं. ६ 'क' या प्रदेश सभा सदस्य हरिप्रभा खड्गी श्रेष्ठ, नेपाल नगरपालिका संघका उप-महासचिव तथा काठमाडौं महानगरपालिकाया उप-प्रमुख सुनिता डंगोल, युवा नेतृ मानुषी यमि भट्टराई, यें महानगरपालिका वडा नं. १७ या वडाअध्यक्ष व यें महानगरपालिकाया प्रवक्ता नविन मानन्धर, कुमारी क्लवया लिसें म्हुयुपि व्यवस्थापन समितिया नायः जीवन मानन्धर, नेपाली काँग्रेस पार्टीया नेतृ व नयाँबजार जग्गा एकीकरण उपभोक्ता संघया नायः प्रमिला सिंहलिसेंया उपस्थिति दुगु ज्याइवल्य् अध्यक्षता क्लवया उपाध्यक्ष सन्तु महर्जन याःगु खः । ज्यापु महागुथि नेपाः यें महानगर समितिया नायः पञ्चनारायण महर्जनया मूपाहाँसुइ जूगु ज्याइवल्य् नवनिर्वाचित जनप्रतिनिधिपिनि म्हुसीका न्ह्यब्वःगु खः । चिराग फिल्मस् प्रोडक्सन प्रा.लि.या प्रमुख प्रायोजन व



भिजा गाईड नेपालया सहप्रायोजनय् सम्पन्न कार्यक्रमया संयोजक आशा शाक्य जुयादी ।

उगु हे ज्याइवल्य् सामाजिक जीवनया लब्ध प्रतिष्ठित व्यक्तित्वपिन्त हंगु खः ।

ज्याइवल्य् नेवाः पत्रकार राष्ट्रिय दबूया वरिष्ठ न्वकु नृपेन्द्रलाल श्रेष्ठ, दांभरिं सुरेन्द्रभक्त श्रेष्ठ व केन्द्रीय दुजः उत्तम श्रेष्ठ, समाजसेवी लक्ष्मण गमाललिसेंयापिन्त हंगु खः ।

स्वमिखा नासः खलःपाखें आकर्षक आर्केष्ट्रा न्ह्यब्वयाः उगु ज्याइवल्य् चारुमती डान्स एकेडेमी, मित्र पार्कपाखें थीथी हुलाप्याखं न्ह्यब्वःगु खः । पहिको युवा क्लवया नायः सानुराजा महर्जन ज्याइवःया समापन लिपा ज्यापु दिवसयात अभ्र प्रचार प्रसारय् ह्यगु आजुं ज्याइवःया ग्वसाः ग्वयागु कनादिल ।

## सम्पदाप्रति वेवास्ता, सम्बन्धित निकाय मौन



यलया मंगः बजार पूर्वपाखे जुइक स्यंगु खः ।  
सौगः त्वाःया लँय लाःगु चिबहाःद्यः देगः स्यंगु खँय् सम्बन्धित गिठ्ठी ल्ह्यइगु गाडीं गिठ्ठी प्वकूबल्य् निकायया ध्यान वनाच्वंगु मडु । चिबहाः स्यंकाब्यूगु दु । यलया थुकिइ सम्बन्धित सम्पदा संरक्षण नेकूजात्रा (मतयाः) पा फइगु यल समिति, नगरपालिका आदि निकाय देय्या १० गू चिबहाःद्यः मध्ये छू ध्यान बी माःगु आवश्यकता दुगु यलया ऐतिहासिक सम्पदा क्षतविक्षत स्थानीयबासीपिनि धापू दु ।

## ताःई लिपा नेवाः हना सिरपाः लःल्हाइगु



ने.सं. ११३० निसें दिनाच्वंगु नेवाः हना सिरपाः थुगु दैनिसें हानं बीगु जूगु दु । सक्वया भाषा साहित्य मुँज्या खलःपाखें थ्व सिरपाः बीगु याना वयाच्वंगु खः । सक्वया समरा गाडेन एण्ड रेष्टुरेण्टय् थुगुसी छक्वलं स्वम्ह नेवाः साहित्यकारपिन्त थ्व सिरपाः बीगु खँ धाःगु दु । जनकवि दुर्गालाल श्रेष्ठया मूपाहाँसुइ जुइगु थुगुसीया नेवाः हना सिरपाः उपन्यासकार मथुरा सायूमि, कवि योगेन्द्र प्रधान व बाखँच्वामि एवं

कवि नर्मदेश्वर प्रधानयात लःल्हाइगु जूगु दु । वय्कःपिसं थःथःगु ख्यलं नेपालभाषा साहित्यया ख्यल्य यानादीगु योगदानया कदर यासें थ्व सिरपाः लःल्हायेत्यंगु खः ।

२० द्दः तका धनराशीया थुगु सिरपाः लःल्हाइगु उगु हे ज्याइवल्य् डा. बालगोपाल श्रेष्ठया निगू सफू 'जिगु दापू : जिगु धापू' व 'नेपालय् जातीय पहिचान व भाषिक समान अधिकारया न्ह्यसः' अले साहित्यकार श्रीलक्ष्मी श्रेष्ठया निगू सफू 'एल्फेज (कविता मुना)' व 'जीवनया लँपुइ (बाखँ मुना)' नं विमोचन जुइगु ग्वसाः दु ।

## कमल प्रकाश मल्लया स्मृति ग्रन्थ पिदन

बौद्धिक व्यक्तित्व डा. कमल प्रकाश मल्लया स्मृति ग्रन्थ पिदंगु दु । कमल प्रकाश मल्ल फाउण्डेशन यँया प्रज्ञा भवनय् छगू ज्याइवः यासें विद्वान व्यक्तित्व डा. मल्लया स्मृति ग्रन्थ सार्वजनिक याःगु खः । ज्याइवल्य् आनन्द सिद्धि तुलाधर, हेरम्ब बहादुर राजभण्डारी, अच्यूत बहादुर राजभण्डारीलगायत उगु स्मृति ग्रन्थया मंकाः कथं विमोचन यानादिल ।

ज्याइवल्य् वरिष्ठ साहित्यकार फणीन्द्र रत्न बज्राचार्य, हेरम्ब बहादुर राजभण्डारी, फाउण्डेशनया संरक्षक केदार भक्त माथेमा, आनन्द सिद्धि तुलाधर, अच्यूत बहादुर राजभण्डारी, डा. ज्योतिप्रभा तुलाधरलगायत मद्मुह डा. कशल प्रकाश मल्ल नापया स्वापू व मल्लया व्यक्तित्वयात कयाः थःपिनिगु बिचाः तयादीगु खः । प्रो. निर्मल मान तुलाधर



प्रधान सम्पादक व प्रा. प्रेमशान्ति तुलाधर, भूषण प्रसाद श्रेष्ठ, रमेशकाजी स्थापित, राजेन्द्र महर्जन व सुरेश किरणया सम्पादनय् सफू पिदंगु खःसा वरिष्ठ कलाकार चन्द्रमान मास्के सफूया देवः दयकादीगु खः ।

*Rajendra Shrestha (Raj)* Ph: 01-4251575  
Reality Need Trust

**RNT**  
TRADERS  
Reliable N' Trustworthy  
Ph: 9851158900  
Dhobichaur, Chhetrapati (Near Dhobichaur Police Beat)  
Shirting, suiting & tailoring (school, college & office)

## लिङ्ग छनौट गरी गर्भपतन गर्नु अपराध हो ।

- लिङ्ग पहिचानको आधारमा छोरा र छोरीमा विभेद गरी सन्तान जन्माउने कार्य नगरौं, नगराऔं ।
- प्रविधिको प्रयोग गरी लिङ्ग पहिचान गर्ने र गर्भपतन गराउने कार्य अपराध हो । त्यस्ता कार्य गर्नु वा गराउनु हुँदैन ।
- चिकित्सकले समेत त्यस्ता कार्यलाई निरुत्साहित गरी चिकित्सा पेसालाई मर्यादित बनाऔं ।
- विभेदरहित समाजको निर्माण गरौं ।



नेपाल सरकार  
**विज्ञापन बोर्ड**